



Grundarfjörður. Staða og framhald
jarðhitaleitar haust 1998

Kristján Sæmundsson

Greinargerð KS-98-16



Grundarfjörður

Staða og framhald jarðhitaleitar haust 1998

Jarðhitaleit kringum Grundarfjörð hefur fram að þessu litlum árangri skilað, en markmiðið var að finna jarðhita nær en á Berserkseyri. Nú í sumar var farið yfir allan gagnapakkann sem safnast hefur og athugað hvort og hvar göt væru í leitarplaninu sem ástæða væri til að fylla upp í.

Mynd 1 sýnir borstaði og hitastigul. Hitastigullinn er á heildina litið hár, þ.e. um og yfir $100^{\circ}\text{C}/\text{km}$ og fer hækkandi til suðurs. Aðeins á nesinu milli Grundarfjarðar og Urthvalafjarðar er hann lægri og nær því sem búast mætti við í berglögum af þeim aldri sem hér um ræðir ($60-70^{\circ}\text{C}/\text{km}$). Hvergi á landinu nema í nágrenni Grundarfjarðar hefur svona hár stigull fundist á stóru svæði fjarri gliðnunarbeltunum þar sem nýmyndun skorpu á sér stað. Þessi hái stigull er enn óútskýrður, en hæstu gildin hljóta að stafa af jarðhitakerfum. Rúmlega $100^{\circ}\text{C}/\text{km}$ stigull helst niður á 1000 m dýpi í Hellnafellsholunni (boruð 1981).

Ef til vill er skýringin hér tiltölulega ung innskot djúpt í jörð. Miðsvæði þeirrar innskotavirkni er líkast til undir fjallgarðinum sjálfum þar sem eldvirkni hefur haldist við á VNV-ASA gosrein í meira en miljón ár með hléum. Varmi frá innskotunum flyst til yfirborðs fyrst og fremst með leiðni í þéttum jarðlögum þessa svæðis, en þau náðu háu stigi ummyndunar á tíma tertíeru eldvirkninnar fyrir 5-7 miljón árum. Sprungulekt sem nauðsynleg er til að jarðhitakerfi (lóðrétt hræring) komist í gang er lítil sem engin norðan og sunnan við fjallgarðinn, en þó staðbundin (Lýsuhóll, Berserkseyri). Vegna kalkútfellingar úr kolsýruríku vatni sem þéttir uppstreymirsásir dvínar afrennslí jarðhitakerfanna á þessu svæði skjótt nema sprunguvirkni haldi þeim opnum, og það hættir jafnvel alveg (Lýsuhóll, Hraunsfjörður).

Aðferðin sem viðhofð yrði til að leita að líklegasta vinnslustað við slík skilyrði fælist í því að kortleggja tiltölulega smá hitafrávik innan hins afbrigðilega heita landsvæðis, en það nær utan frá Búlandshöfða austur í Hraunsfjörð. Í þeim gögnum sem nú liggja fyrir eru helstu frávakin af þessu tagi í Hraunsfirði (hrúðurhellan), á Berserkseyri (í sjó) og í Arnardal upp af Grundarfirði. Þaðan liggur frávik til NA í átt að Grundaiossi. Fyrrtöldu þrjú frávakin eru fjarlæg og illa aðgengileg. Það fjórða gæti náð niður á láglendi nálægt Grundarfirði (Gröf eða Grundaiossi).

Á yfirlitskortinu eru sýndir borstaðirnir nærrí Grundarfirði og hitastigull í holunum. Reynslan er sí að jarðhitakerfi sem ná uppundir eða til yfirborðs gefa sig nokkuð skýrt til kynna innan um það bil 500 m fjarlægðar með óeðlilega háum hitastigli. Oft eru þau ílöng í sprungustefnu. Yngstu sprungurnar á þessu svæði sem myndu vera lekastar eru líklegar til að liggja N10 V og N80 V eða þar um bil. Eldri sprungukerfi eru: annað norðaust-suðvestlægt og hitt sveigmyndað umhverfis Setbergseldstöðina sem svo er kölluð, hvort tveggja er aðallega berggangar.

Sem sjá má af kortinu hefur verið borað býsna þétt næst Grundarfirði, enda gaf hitastigullinn tilefni til þess sem og staðbundin góð lekt í bergeninu þar, en annars var hún óvíða til baga við ákvörðun á berghitanum. Þarna er fyrst og fremst um two staði að ræða þar sem ástæða er til nánari könnunar.

Annar staðurinn er í Grundarfirði. Þar er um $12^{\circ}\text{C}/\text{stigull}$ í tveimur holum, en önnur þeirra er mjög trufluð af vatni (hola 61 við “rauða húsið”). Því er lagt til að ný hola verði boruð þar nærrí og hefur henni verið valinn staður rétt ofan við Gröf. Reiknað er með af bora þá holu í 50 m, en dýpra þó ef vatnsæðar koma fram á lokametrunum.


Hinn staðurinn er í sveignum við Grundarfoss. Þar er sú af Grundarfjarðarholunum sem mælst hefur með hæstan stigul (SN-83). Hann var a.m.k. $137^{\circ}\text{C}/\text{km}$ þegar holan var 60 m djúp. Þegar holan var dýpkuð niður í 85 m kom inn að milli 60 og 70 m dýpis, og er holan nú trufluð af millirennslu milli aða niður í rúma 70 m. Það kom hins vegar í ljós að þessi hái stigull hélst ekki nema niður að 60-70 m aðinni. Samkvæmt því lítur helst út fyrir að þarna sé á ferðinni $10-20^{\circ}\text{C}$ heitt vatnskerfi á litlu dýpi (hár stigull ofan þess er kringum 140°C , en stigullinn er lægri í og næst undir því, $105^{\circ}\text{C}/\text{km}$). Hola 83 náði ekki niður úr kerfinu og ekki reyndist unnt að bora hana dýpra en í 85 m.

Þetta sama sýndi sig þegar borað var við Hellnafell, bæði í djúpu holunni og í Snælax holunum. Þar var mjög tregt $15-25^{\circ}\text{C}$ heitt vatnskerfi ofan 200 m. Stigullinn ofan þess var $114^{\circ}\text{C}/\text{km}$, nokkru lægri en við Grundarfoss, en $103^{\circ}\text{C}/\text{km}$ neðan við það. Mestar líkur eru á að sama verði reyndin annars staðar í Grundarfirði, þ.e hin smáu hitafrávik stafi af grunnum, um og innan við 20°C heitum, tregleiðandi jarðhitakerfum, en mishár stigull ofan þeirra stafi af því að misdjúpt sé á þau. Aðstreymi til þeirra er líklega sunnan að, undan fjallgarðinum.

Hvorki við Grundarfjörð né Grundarfoss hefur verið borað í gegnum þessi kerfi til að sannprófa ofangreinda tilgátu. Ástæða er því til að afla frekari vitneskju um eðli þeirra með borun á nýjum holum sem þegar hafa verið staðsett, önnur ofan við Gröf, hin um 130 m austan við holu 83. Reiknað er með að báðar holurnar þurfi að bora í a.m.k. 150 m. Bordýpið myndi þó ráðast af hitamælingum í borun og framhaldsleit síðan af berghitanum með samanburði við nálægar holur.


Auk holunnar austur af SN-83 er lagt til að bora þriðju leitarholuna sunnan við Grund í norðurframhaldi af hitafrávinu milli holna 78 og 83. Þar yrði fyllt í stærstu eyðuna í hitakortinu. Aðrar eyður eru reyndar í því, en fjarlægari, t.d. inn af Kolgrafafirði (Hrafnkelsstaðabotn) og á nesinu kringum Setberg og Eiði. Þrjár 50 m djúpar holur þyrfti til að fylla í þær eyður.

Kristján Sæmundsson



19-okt-1998
ks s=31793

Grund í Grundarfirði SN-83
Eyrarsveit
Snæfellsnessýsla



normalstigull í Grundarfirði
 $105-110^{\circ}\text{C}/\text{km}$